

PANADOL BICONVEX FILM COATED TABLET

Paracetamol (500mg)

Apakah yang ada pada risalah ini

1. Apakah kegunaan Panadol Biconvex Film Coated Tablet 500mg
2. Bagaimana Panadol Biconvex Film Coated Tablet 500mg berfungsi
3. Sebelum menggunakan Panadol Biconvex Film Coated Tablet 500mg
4. Cara menggunakan Panadol Biconvex Film Coated Tablet 500mg
5. Semasa menggunakan Panadol Biconvex Film Coated Tablet 500mg
6. Kesan-kesan sampingan
7. Cara Penyimpanan dan Pelupusan Panadol Biconvex Film Coated Tablet 500mg
8. Maklumat Lanjut
9. Pengilang dan Pemegang Pendaftaran Produk
10. Tarikh Kemaskini RiMUP

Apakah kegunaan Panadol Biconvex Film Coated Tablet 500mg

Untuk melegakan kesakitan ringan hingga sederhana dan melegakan demam.

Bagaimana Panadol Biconvex Film Coated Tablet 500mg berfungsi

Paracetamol berfungsi dengan menghalang penghasilan *prostaglandin* (bahan kimia) di dalam badan yang menyebabkan demam dan kesakitan. Tindakan ini dapat mengurangkan kesakitan dan demam.

Sebelum menggunakan Panadol Biconvex Film Coated Tablet 500mg

- *Bila tidak boleh menggunakan*
Jangan gunakan Panadol Biconvex Film Coated Tablet 500mg

- sekiranya anda mempunyai alahan terhadap paracetamol atau mana-mana bahan lain yang terkandung dalam ubat ini (disenaraikan dalam maklumat lanjut).

Berhenti mengambil ubat ini dan rujuk kepada doktor anda dengan segera jika anda pernah mengalami kesukaran bernafas dengan aspirin atau ubat-ubatan anti-radang yang lain dan mengalami reaksi serupa dengan ubat ini.

- *Sebelum menggunakan Panadol Biconvex Film Coated Tablet 500mg*

Jangan ambil lebih daripada dos yang disyorkan kerana ianya boleh memudaratkan hati anda.

Ubat ini mengandungi paracetamol. Jangan mengambil ubat lain yang mengandungi paracetamol pada masa yang sama.

Beritahu doktor atau ahli farmasi jika anda:

- mempunyai kerosakan hati atau buah pinggang.
- mempunyai jangkitan, kekurangan zat makanan, kekurangan berat badan yang teruk, atau mengambil alkohol secara berlebihan dan berterusan. Ia boleh meningkatkan risiko asidosis metabolik. Tanda-tanda asidosis metabolik adalah termasuk: bernafas dengan mendalam, cepat dan sukar, mual, muntah, hilang selera makan. Sila rujuk kepada doktor anda dengan segera jika anda mempunyai gejala-gejala ini.
- mengandungi, merancang untuk mengandungi atau sedang menyusu bayi.

- *Jika mengambil ubat-ubat lain*

- Beritahu doktor atau ahli farmasi jika anak anda sedang mengambil warfarin atau ubat cair darah lain. Penggunaan paracetamol dengan ubat cair darah secara berpanjangan mungkin meningkatkan risiko pendarahan.
- Beritahu doktor jika anda menggunakan sebarang ubat lain, termasuk ubat yang dibeli tanpa preskripsi dari farmasi, pasaraya, atau kedai makanan kesihatan.

Cara menggunakan Panadol Biconvex Film Coated Tablet 500mg

- *Berapa banyak harus digunakan*

- Dewasa (termasuk warga tua) dan kanak-kanak berusia 12 tahun ke atas: Ambil 1-2 biji.

- **Dos maksimum harian:** 4000mg (8 biji)

- Ubat ini adalah untuk dimakan sahaja.
- Jangan gunakan untuk kanak-kanak di bawah umur 12 tahun.
- Ikut arahan doktor atau ahli farmasi anda. Ia mungkin berbeza dari maklumat di dalam risalah ini. Jika anda tidak memahami arahan pada label ubat anda, sila rujuk kepada doktor atau ahli farmasi.

- *Bila perlu digunakan*

Ambil setiap 4 - 6 jam bila perlu.

Ikut arahan doktor atau ahli farmasi anda.

- *Berapa lama perlu digunakan*

- Jangan mengambil ubat secara berpanjangan tanpa nasihat doktor atau ahli farmasi anda.
- Sila jumpa doktor jika gejala anda tidak bertambah baik.

- *Jika terlupa menggunakan*

Ambil dos yang tertinggal sebaik sahaja anda teringat. Sekiranya sudah hampir masa untuk dos seterusnya, abaikan dos yang tertinggal dan kemudian teruskan mengambil ubat mengikut jadual seperti biasa. Jangan ambil dos berganda untuk menggantikan dos yang tertinggal

- *Jika mengambil berlebihan (terlebih dos)*

Hubungi doktor anda dengan segera atau pergi ke Jabatan Kecemasan hospital terdekat, jika dos berlebihan telah digunakan. Ini perlu dilakukan walaupun tiada sebarang kesan keracunan atau rasa tidak selesa kerana anda mungkin berisiko mengalami kegagalan hati. Anda mungkin memerlukan perhatian perubatan segera.

Semasa menggunakan Panadol Biconvex Film Coated Tablet 500mg

- *Perkara yang perlu dilakukan*

- Guna ubat mengikut arahan doktor atau maklumat pada kotak ubat.
- Maklumkan kepada semua doktor, doktor gigi dan ahli

PANADOL BICONVEX FILM COATED TABLET

Paracetamol (500mg)

farmasi yang merawat anda bahawa anda sedang menggunakan Panadol Biconvex Film Coated Tablet 500mg.

- Beritahu doktor anda dengan segera jika anda mengandung semasa mengambil ubat ini.

- Perkara yang tidak boleh dilakukan

- Jangan berhenti menggunakan ubat ini kecuali diarahkan oleh doktor anda.
- Jangan melebihi dos yang disyorkan.
- Jangan mula mengambil sebarang ubat baharu tanpa berbincang dengan doktor atau ahli farmasi anda.
- Jangan memberi Panadol Biconvex Film Coated Tablet 500mg kepada sesiapa, walaupun mereka mempunyai simptom atau keadaan yang sama dengan anda.

- Perkara yang perlu diberi perhatian

AMARAN ALAHAN: Paracetamol boleh menyebabkan alahan kulit yang teruk. Gejala adalah seperti kemerahan kulit, lepuh dan ruam. Ini mungkin tanda-tanda keadaan serius. Jika tindak balas ini berlaku, berhenti menggunakan ubat ini dan dapatkan bantuan perubatan dengan segera.

Panadol Biconvex Film Coated Tablet besar kemungkinan tidak akan mengganggu keupayaan anda memandu dan mengendalikan jentera.

Kesan-kesan sampingan

Hentikan pengambilan ubat ini dan beritahu doktor serta-merta jika anda:

- mengalami reaksi alahan seperti ruam kulit atau rasa gatal, masalah pernafasan, bengkak bibir, lidah, tekak atau muka
- mengalami pengelupasan kulit atau ulser dalam mulut
- mengalami lebam atau pendarahan yang tidak diketahui puncanya

Reaksi-reaksi ini jarang berlaku.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan

Advers Ubat Kebangsaan melalui laman web npra.gov.my [Consumers → Reporting Side Effects to Medicines (ConSERF) or Vaccines (AEFI)].

Cara Penyimpanan dan Pelupusan Panadol Biconvex Film Coated Tablet 500mg- Penyimpanan

Simpan di bawah suhu 30°C.

Jauhi semua ubat daripada kanak-kanak.

- Pelupusan

Ubat-ubatan tidak harus dilupuskan melalui air buangan atau sisa isi rumah. Sila rujuk kepada ahli farmasi anda mengenai cara yang betul untuk melupuskan ubat yang tidak diperlukan lagi. Langkah-langkah ini dapat membantu melindungi alam sekitar.

Maklumat Lanjut- Rupa dan warna produk

Tablet dwicembung yang bulat, berwarna putih hingga putih kekuningan, bersalut lapisan licin dengan tanda "PANADOL" pada kedua-dua permukaan.

- Bahan-bahan kandungan

- Bahan aktif
Paracetamol

- Bahan tidak aktif

Pregelatinized starch
Starch
Talc
Hydroxypropyl methylcellulose
Stearic acid
Povidone
Triacetin
Potassium sorbate
Carnauba wax

- Nombor MAL

MAL19950080XRZ

Pengilang

Sterling Drug (Malaya) Sdn Bhd.
Lot 89, Jalan Enggang, Ampang/
Hulu Kelang Industrial Estate, 68000
Ampang, Selangor, Malaysia

Pemegang Pendaftaran Produk

Haleon Malaysia Sdn. Bhd.
Lot 89, Jalan Enggang, Ampang/
Hulu Kelang Industrial Estate, 68000
Ampang, Selangor, Malaysia.

Tarikh Kemaskini RiMUP
17/06/2025

Nombor Siri
NPRA(R4/1)200622/00035